

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական տույժ նշանակելու մասին 09.04.2018թ. թիվ 1807908841 որոշումը բեկանելու, իսկ 09.04.2018թ. թիվ 1807904640 որոշումն անփոփոխ թողնելու մասին

<<18>> 05 2018թ. 17-13-48180-18/17-13-620

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ռոբերտ Օհանյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Մառի փողոցի 5 շենքի 25 բնակարանի բնակիչ Ռոբերտ Օհանյանը դիմումով խնդրել է բեկանել կանգառ կատարելու կաշնոնները խախտելու համար Ճանապարհային ոստիկանության կողմից կայացված վարչական տույժ նշանակելու մասին 09.04.2018թ. թիվ 1807908841 և 09.04.2018թ. թիվ 1807904640 որոշումներից մեկը՝ նշելով, որ նույն իրավախախտման համար կայացվել է երկու որոշում:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման՝ հետևյալ պատճառաբանությամբ.

Ճանապարհային ոստիկանության 09.04.2018թ. թիվ 1807908841 և 09.04.2018թ. թիվ 1807904640 որոշումների հիմքում դրված տեսանյութերը փաստում են, որ դիմումատուին պատկանող տրանսպորտային միջոցը Երևան քաղաքի Տերյան - Պուշկին փողոցների խաչմերուկի հատվածում կատարում է իրավախախտում և չկան ապացույցներ՝ վարորդի կողմից իրավախախտումը կրկին կատարելու վերաբերյալ:

Նկատի ունենալով, որ նշված վայրում կանգառ կատարելու համար դիմումատուն Ճանապարհային ոստիկանության 09.04.2018թ. թիվ 1807904640 որոշմամբ արդեն իսկ ենթարկվել է վարչական պատասխանատվության, հաշվի առնելով իրավախախտումը կրկին կատարելու փաստի վերաբերյալ ապացույցների բացակայությունը և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 09.04.2018թ. թիվ 1807908841 որոշումը բեկանել և վարչական իրավախախտման վերաբերյալ գործը կարճել:
2. Ճանապարհային ոստիկանության վարչական տույժ նշանակելու մասին 09.04.2018թ. թիվ 1807904640 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Ռոբերտ Օհանյանին:

